

پازار ایرتسی فی ۲۸ ربیع الآخر سنه ۱۳۲۸ و فی ۲۶ نیسان سنه ۱۳۲۶

جمعیت اسلامیہ نیک ناشر افکاریدر

مدیر مسئول :
مکتب نواب معلملرندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

ادبیات	بجاء واحکام عدلیہ منزه روا ۱ کوچوک حمدی
بابادیہ ر ع عاطف	کورولان مؤاخذہ بی مدافعہ ۱
نوی غرام طاهر المولوی	محاکم شرعیہ وحکام شرع قانونی لایحہ سی
عالم اسلام	اسلامدہ علوم وفنون ع عاطف
چین مسلمانلری عبدالاحد داود	استبداد ، مال حسین حازم



نسخہ سی ۱ غروشددر

آبونه اجرتی (پوستہ اجرتیلہ برابردر)

ممالک اجنبیہ ایچون :
۶۰ ، ۲۰ فرانق
۳۰ ، ۶۰

استانبول ورلایات ایچون :
بر سنه لکی ۶۰ غروش
الئی آیلنی ۳۰ »

درج اولنیمان اوراق اعاده ایدلمز

قارئلمنزه

اکثر مقالاته آیات کریمه واحادیث نبویه درج ایدلمش بولندینی نظر اعتبارده آلهرق رعایتسز لکده بولنلماہ سی رجا اولنور .

درسعارت

محمد بک مطبعه سنده طبع اولنشددر

واسطه اولان اشعار و امثال عرب تدقیق اولمق ایچون اکثریسی اساساً عرب اولمیان اقوامدن اولمق اوزره یوزلرجه ارباب تدقیق بادیله دوکولارک بدویارله نیجه زمانار اختلاط اتمش و اولنلرک اشعار ؛ امثال و اقوانی نقل ایلمشادر .

اشعارک فهمی خصوصنده بین الادبا اختلاف وقوعه کلش و شعرلری مختلف صورتارده روایت ایدنلر بولمیش ، برده شعرلر آردهنده درجات بلاغمده تفاوت کورلمش اولدیغندن علمای کرام طرفندن اجرا ایدیان تدقیقات عمیقہ نتیجه سننده طبقات شعرا ترتیب و احوال قبائل ضبط اولمشدر .

خلاصه صدر اسلامده علمای دینک مدار اشتغالی قرآن عظیم الشانه خادم اولان و علوم اسلامیه نامی ویریلن علم دین ، علم اسان ، علم ادب اولمشدر .

قونیله : ع . عاطف

- استبداد ، مال -

مابعد

شمدی استبدادک مطلق ماله متعلق بولنان احکام طبیعیه سنه ارجاع نظر ایدلم :

بر چوق احتیاجات الجأ آتیه استحصال و ادخار اولنان مالی ، انسانلرک الندن مستبدلرک ، عمال و اعواننک غصباً یا خود حجت باطله ایله سلب ایتلمری سایه امان استبدادده ! یاشایان ، آخی اویناتان حیلہ - کارلرک ، سارقلرک فیرداقلرینی چورمه لری ، ملعتلرینی اجرا ایللری اسبابنی احضار و ایجاب ایدن ، دائماً ضیاعه تعرضه محکوم بروضیتده بولنديران قوت ، عامل یکانه ، استبداددر .

تحصیلی پک چوق مشاق و مزاحمی اقتحامه وابسته بولنان مال ، ثمراتیه انتفاع اولنه بیله جکهنه امنیت

ایدلماکله برابر ناصل خواهشله ، اقدام ایله اکتساب ایدیلیر ؟ اداره مستبدنک حکمران اولدیغی بردورده حفظ مال ، کسبدن دها کوجدر . چونکه ثروت مکتسبه نک موجودیتی کوسترن کوچوک برار ؛ صاحب اوزرینه انواع بلایي دعوت ایتک کافیدر . بولک ایچوندرک انسانلر دوراستبداده اضطراری اوله رق نعمت الهیه نی اخفا ایدرلر ؛ غایت فقیر و بی وایه کوز و کورلر . ایشته بوسبیه مینیدرک بونلر و امثالی حقلرنده « بردرهم آلتونی محافظه ایتک ، برقنطار عقله محتاجدر ؛ عاقل ؛ ذهبی ، ذهابی ، مذهبی اخفا ایدندر ، اسعد ناس اول فقیردرک حکامی طانیدیغی ، بیامدیکی کبی حکامده کنیدیغی طانیز ، بیلمز » جمله لری ضرب و ایراد اولمشدر .

استبدادک احکام طبیعیه سی جمله سنندن درک اغنیاء فکر آ استبدادک اعداسی ، عملاً ایسه اوتاد ایدرلر . زنکیئلرده مستبد قارشی غریب برارتباط وارد . تذلیل اولنورلر . ینه مستبد تقرب ایدرلر ؛ قویون کبی بوتون ماملکلرندن تحرید ایدیلرلر ؛ ینه مستبد عرض اشتیاق ایدرلر . بونک ایچوندرک اغنیاسی کثیر اولان ائمه مذلت پایدار اولور .

فقط مستبد ؛ قویون جتواردن ناصل قورقارسه فقرادنده اوله جه احتراز ایلر ؛ حتی ظاهر آ کنیدیغی فقرایه سودیردجک بعض حرکات رأفیه کارانده کوسترک بوندن مقصدی زواللی فقیرلرک یکانه مالکانه لری بولنان قایلرینی ده غصب و اسیر ایتمکدر . فقیرلر ایسه کوچوک قوشلر ، شاهیندن ، آتمجه دن ناصل قورقارلرسه مستبدلردن ده اوله جه سفیلانه ، خسیسانه برحاله قورقارلر . مستبدلرک انساندن باشقه برشی اولمدقلرینی انکار دکل ، تفکر ایتک بیله جسارت ایده مزلر . صانک محفظه مغز لرینک ایچنده آنلرک جاسوسلری وارمش توهم ایدرلر ! بعضاً فقراده فساد

اخلاق بر درجه‌یه واریکه نه صورتله اولورسه اولسون
مستبدك خوشنودینی جلب ایده‌جك بر حرکتی فعلاً
اینان ایتك مسرتارینی موجب اولور .

مالك ستایشی حقه‌ده دینا. شدركه دنیاده اك بویوك
حلال مشكلات؛ زمان و مالدر. كذاك دیمشلدركه شرف؛
خون حماسه‌له صیانت اولور؛ عز و غلبه ایسه آنجق
مال ایله متیسر اولور. اثرده وارد اولمشدركه یدعلیا؛
یدسفلادن خیرلیدر؛ غنی شاكر؛ فقیر صابردن افضلدر .

اسكیدن ثروت عمومیه حائز اهمیت دكلدی .
فقط بوكون محاربات؛ فن و مال مغالبه‌سندن عبارت
اولدیغندن محافظه استقلال ایچون ثروت عمومیه‌نك
اهمیت عظیمه‌سی وارددر . ثروت عمومیه‌دن نصیبی
اولمایان ائم مأسوره؛ جمعیت بشریه ایچنده كلیشی كوزل
الدن اله كچن انعام مشابه‌سنددر .

مع هذا بر طاقم سرف و سفاقت احتیاجاتی مع
زیاده تأمینه كافل بولنان وسائل مالییه نائیه قارشو
حریت و شرفی محافظه ایدیه‌یلمك شرطیه كفاف
مقداری معیشته مالیکیتی ایثار ایدن ارباب کمال
وفضیلت؛ حیات ادبیه و شریفه اوزرنده پك چوق
آفتلر، طغیانلر ایقاع ائمه‌سی ملاحظه‌سیله افراط
ثروتدن صوك درجه احتراز ایدرلر . احتیاجات
انسانیه‌ی تأمینه کافی بر مقداردن فضله بولنان ثروتلرك
اول امرده تحصیل اوغورنده اقتحام اولنان تعب
و مشقت، ثانیاً محافظه‌سی خصوصنده چکیان اضطرابات،
ثالثاً صاحبی و تد استبداده ربط ائمه‌سی پیش نگاه
امعانه آله‌جق اولور ایسه انسان ایچون نفس الامرده
سبب حضور و سعادت دكل، مستوجب طغیان و نفقت
اولدیغی آكلاشیلر . لکن كفاف مقداری معیشته
مالك اولانلر؛ دینارینی اخلاق و شرفلرینی ممکن مرتبه
محافظه ایدیه‌یله جكلرندن امین اوله‌رق معلمئن، مستریخ
بر حالده یاشارلر .

علمای اخلاق عندنده اصول مقررده‌دن دركه قاعده
اقتصاد رعایت ایتك شرطیه نه نقصانلغندن طولانی
باعث تذلیل، نه‌ده كثرتی سببیه‌مستلزم طغیان اولیه‌جق
صورتده بر معیشت متوسطه تأمیننی كافل اولان برصنعت
مفیده مالك اولدجقه انسان؛ انسان اوله‌ماز . ایشه
(فازالمخفون)، (اسألوالله الكففاف من الرزق)
حدیثلرینك معانی مندمجه‌سی! بو نكته‌یه اشارت
اولق اوزره «غنی؛ غنای قلبه مالك اولاندر . غنی؛
حاجتی آزا اولاندر . غنی، انسانلردن مستغنی بولاندر»
جهلری ایراد اولمشدر . بعض حکما‌ده، «هر انسان
طبیعیته فقیردر . ماملکی نسبتنده نقصانی، احتیاجی
وارددر . مثلاً بوكون اون لیرایه مالکسه کنیدیسنی دیگر اون
لیرایه دهامفتقر کورور؛ بیک لیرایه مالکسه دیگر بیک
لیرایه احتیاج حس ایدر . ایشه (لوکان لابن آدم
وادیان من ذهب لا بتقی الیه ثالماً ولا یملاً جوف ابن آدم
آدم الا التراب) حدیث شریفك معناسی!

علمای اخلاق؛ استحصال مال خصوصنده وضع
ایتمش اولدقلری بوقبیل اصول تزهید کارانه ایله انسانلرك
بوتون، بوتون کسب و تحصیلدن اجتناب ائمه‌لرینی
دكل، بلمكه وادی کسبك طرق مشروعه و طبیعی
تجاوز ائمه‌سنی تعلیم و تلقین ایدیورلر . لکن مستبدلرك
اهم مقاصدی هر نه صورت و وسیله ایله اولورسه اولسون
رعیه‌نك مالك غنا و ثروت اولمسیدر . حتی غریبه‌یون
طریق اکتسابده ملتارینه اعانه بیله ایدرلر . شریون؛
دكل معاونت ایتك، خاطرلرینه بیله کتیرمزلر . ایشه
استبداد غربی ایله استبداد شرقینك جمله فروقندن
بری‌ده بودر . بری‌ده استبداد غربی غایت محکم،
پایدار، نفس الامرده اشد اولمقله برابر ظاهراً ملایم
کورونور؛ استبداد شرقی غایت اضطراب آور، سریع
الزوالدر . لکن پك مزعج صفحاتی احتسوا ایدر .
حسین حازم